



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Broj: 01/12-02-921/25

Datum: 23.04.2025. godine

**PREDSTAVNIČKOM DOMU
PARLAMENTA FEDERACIJE BiH**

Primljeno: 28-04-2025 B			
Org. jed.	Broj	Priloga	Vrijednost

Komisija za pitanja mladih Predstavničkog doma Parlamenta Federacije BiH (u daljnjem tekstu: Komisija) na 11. sjednici, održanoj 23.04.2025. godine razmatrala je sljedeći dnevni red:

1. Usvajanje zapisnika s 10. sjednice Komisije,
2. Nacrt Programa rada Predstavničkog doma Parlamenta Federacije BiH,
3. Strategija za mlade Federacije BiH za period 2025.-2034. godine,
4. Program rada Vlade Federacije BiH za 2025. godinu,
5. Tekuća pitanja.

Na osnovu člana 44. a u vezi sa članom 68. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

Ad – 1. Usvajanje zapisnika s 10. sjednice Komisije

Zapisnik sa 10. sjednice Komisije jednoglasno je usvojen bez primjedbi.

Ad - 2. Nacrt Programa rada Predstavničkog doma Parlamenta Federacije BiH

Nakon uvodnih napomena predsjednice, Komisija je jednoglasno podržala usvajanje Nacrta Programa rada Predstavničkog doma za 2025. godinu.

Ad – 3. Strategija za mlade Federacije BiH za period 2025.-2034. godine

Predsjednica je dala uvodne napomene te konstatirala da je veliko zadovoljstvo što se konačno na dnevnom redu našao jedan ovako važan dokument koji se odnosi na mlade u Federaciji BiH a koji će doprinijeti njihovom boljem položaju. Zatim je pozvala ovlaštenog predstavnika Federalnog ministarstva kulture i sporta da se obrati članovima Komisije i detaljnije obrazloži Strategiju za mlade Federacije BiH za period 2025.-2034. godine, Uslijedila je diskusija u kojoj su svi diskutanti naglasili važnost za donošenje jednog ovakvog dokumenta na koje je i Komisija još u prethodnim mandatima ukazivala. Članovi Komisije kroz svoje

diskusije postavljali su pitanja i tražili dodatna pojašnjenja posebno imajući u vidu period trajanja Strategije. Nakon sveobuhvatne diskusije članovi Komisije jednoglasno podržavaju usvajanje Strategije za mlade Federacije BiH za period 2025.-2034. godine,

Ad -4. Program rada Vlade Federacije BiH za 2025. godinu

Predsjednica Komisije pozvala je ovlaštene predstavnike predlagača da detaljnije obrazlože Program rada Vlade Federacije BiH za 2025. godinu. Članovima Komisije obratili su se predstavnici Federalnog zavoda za programiranje razvoja. Nakon obavljene diskusije, članovi Komisije primili su k znanju Program rada Vlade Federacije BiH za 2025. godinu.

Ad-5. Tekuća pitanja

Pod ovom tačkom dnevnog reda, predsjednica Komisije je informisala članove o budućem radu Komisije, te da će predložiti da Komisija usvoji svoj plan i program rada za period koliko je ostalo do kraja tekućeg mandata. Istakla je da su se Komisiji obratile određene nevladine organizacije sa molbom za saradnju kao i nastavak saradnje onih s kojima je Komisija već imala uspješnu saradnju. Također, najavila je da će do kraja tekuće godine (najvjerovatnije u septembru) biti održana jedna šira tematska sjednica Komisije o položaju i potrebama mladih u Federaciji BiH.

Nakon obavljene diskusije u kojoj su članovi iznosili svoje prijedloge o budućem radu Komisije, jednoglasno je usvojen zaključak da svi članovi svoje dodatne prijedloge za plan i program rada Komisije mogu poslati putem e-maila do sredine maja 2025. godine, te bi se plan i program rada usvojio na sljedećoj sjednici Komisije.

U skladu sa članom 53. Poslovnika Predstavničkog doma za izvjestioca je određena Adisa Kokić-Hinović, predsjednica Komisije.

PREDSJEDNICA KOMISIJE

Adisa Kokić-Hinović